

**XVIII CIRCUITO FERROLÁN DE CARREIRAS
POPULARES E CAMPO A TRAVÉS. FASE INTERCOMARCAL DO PROGRAMA XOGADE**

Art. 1.- Durante a tempada 2017 - 2018, o Concello de Ferrol, coa colaboración da Secretaría Xeral para o Deporte e da Delegación de Atletismo en Ferrol organiza o XVIII Circuito Ferrolán de Carreiras populares e Campo a Través.

Sendo coincidentes as xornadas deste circuíto con fases locais do programa Xogade, estableceranse dúas clasificacións: A do Circuito Ferrolán de Campo a través, rexida por este Regulamento, e a relativa á competición do Programa Xogade, rexida polo regulamento do citado programa.

Art. 2.- Poderán participar todos os clubs e colexios do Concello de Ferrol e comarca cun número ilimitado de atletas que teñan a licenza deportiva escolar.

<i>Xornada</i>	<i>Clasificación</i>	<i>Data¹</i>	<i>Lugar²</i>
1ª Xornada	Individual	2/12/2017	Parque Estadio A Malata
2ª Xornada	“	9/12/2017	Cross A Malata (Pistas de atletismo)
3ª Xornada	“	16/12/2017	As Cabazas
4ª Xornada	“	14/01/2018	San Xiao

Art. 3.- Dentro do XVIII Circuito Ferrolán de campo a Través, a clasificación individual establecerase sumando as puntuacións alcanzadas en tres das catro xornadas programadas. Se o atleta participa en todas as xornadas, ao final da clasificación descontarase a puntuación alcanzada na peor Xornada. En cada proba puntuarán os 20 primeiros clasificados/as de cada categoría, conforme ao seguinte cadro. Proclamarase vencedor o/a atleta que acade maior número de puntos despois de disputarse as catro Xornadas.

1º:	20 puntos	6º:	15 puntos	11º:	10 puntos	16º:	5 puntos
2º:	19 puntos	7º:	14 puntos	12º:	9 puntos	17º:	4 puntos
3º:	18 puntos	8º:	13 puntos	13º:	8 puntos	18º:	3 puntos
4º:	17 puntos	9º:	12 puntos	14º:	7 puntos	19º:	2 puntos
5º:	16 puntos	10º:	11 puntos	15º:	6 puntos	20º:	1 punto

No caso de ter que suspender algunha Xornada e non poder recuperala noutra data (a determinar pola Concellería de Deportes do Concello Ferrol), tomarase como peor marca a da xornada suspensa e proclamarase vencedor o/a atleta que acade maior número de puntos despois de disputarse as tres Xornadas restantes.

¹ Os lugares das probas estarán suxeitos a modificación en función das condicións nas que se atopen os mesmos

² As datas das probas estarán suxeitas a modificación en función das condicións climatolóxicas ou circunstancias sobrevenidas.

No caso do Programa Xogade, a clasificación rexerá polo regulamento do citado programa.

Art. 4.- No Circuíto Ferrolán de Campo a Través, en cada unha das probas haberá outra clasificación por colexios, que se obterá sumando todos os nenos/as que entrarán en meta en cada unha das categorías. A clasificación por colexios queda limitada aos Colexios do Concello de Ferrol. Para cada unha das catro probas haberá que entregar un listado por categoría e sexo onde consten todos os participantes de cada centro, que deberá estar asinado polo Director/a de cada centro.

No caso do Programa Xogade, a clasificación rexerá polo regulamento do citado programa.

Art. 5.- En cada unha das catro Xornadas do Circuíto Ferrolán de Campo a Través, se entregarán trofeos ou medallas aos tres primeiros/as clasificados/as en cada categoría.

No caso do Programa Xogade, rexerá polo regulamento do citado programa.

Art. 6.- Para participar en cada xornada, será imprescindible inscribir aos participantes a través do correo electrónico fgaferrol@gmail.com. A data límite para a inscrición será o mércres anterior á xornada.

As probas do XVIII Circuíto Ferrolán de Campo a Través forman parte do Programa Xogade, polo que será **requisito indispensable** de cara á participación do mesmo, inscribir aos nenos no citado programa (www.deporteescolargalego.com). **Deberá remitirse resgardo da súa inscrición á Delegación de Atletismo. Non se permitirá a participación de ningún neno/a nas probas que non este inscrito no citado programa na súa actividade de Campo a Través.**

Asimesmo e para os casos dos colexios, e tal e como describe o art. 4 deste regulamento, ademais de efectuar a inscrición de cada un dos participantes, deberase remitir un listado por categoría e sexo de todos os participantes de cada centro, que deberá estar asinado polo seu Director/a; as oficinas da Concellería de deportes . A data límite para a inscrición será o mércres anterior á xornada.

Concellería de Deportes
Praza de Armas s/n
Telf: 981. 94.42.00
Fax: 981. 94.42.08
deportes@ferrol.es

Art. 7. - Os horarios, categorías e distancias serán os seguintes:

Horario	Categorías	Ano de nacemento	Distancias en metros			
			1ª xornada	2ª xornada	3ª xornada	4ª xornada
11'00	Cadete masculino	2004 – 2003	3200	3500	3000	3800
11'25	Cadete feminino	2004 – 2003	1600	1800	3000	2000
11'45	Infantil masculino.	2005 – 2006	1600	1800	2000	2000
12'05	Infantil feminino	2005 – 2006	1000	1200	2000	1600
12'25	Alevín masculino	2007 – 2008	1000	1200	1000	1600
12'40	Alevín feminino	2007 – 2008	800	1000	1000	1200
12'55	Benxamín masculino / feminino	2010 – 2009	500	600	700	800



FERROL



DEPORTE
GALEGO

XUNTA
DE GALICIA

XOGOS GALEGOS DEPORTIVOS EN IDADE ESCOLAR

Art.8.- Os premios do XVIII Circuito Ferrolán de Campo a Través se repartirán ao final das catro Xornadas por categorías e sexos.

Para a clasificación por Centros, entregaranse vales para material deportivo dacordo coa seguinte clasificación:

PREMIOS POR CENTROS (Material deportivo)	
Clasificación	EUROS
1º	600
2º	450
3º	150

No caso do Programa Xogade, rexerase polo regulamento do citado programa

Art.9.- Ao se inscribiren, todos os corredores aceptan a publicación do seu nome e a súa imaxe nas clasificacións, medios de comunicación e/ou a internet. De igual maneira, mediante a inscrición o/a corredor/a consente expresamente que os seus datos sexan empregados pola organización para comunicacións acerca da súa actividade.

En calquera caso, tal e como establece a Lei de protección de datos de carácter persoal, as persoas interesadas poden exercer os seus dereitos de acceso, rectificación, cancelación e oposición a través dun escrito ou correo electrónico dirixido a Concellería de Deportes do Concello de Ferrol, praza de Armas s/n, 15402 Ferrol, <deportes@ferrol.es>.

Art. 10 - A organización poderá modificar este regulamento ou o circuito polo que discorrerá a carreira sen aviso previo. Así mesmo, resérvase a facultade de decidir sobre calquera circunstancia ou aspecto que non se considere neste regulamento.

Art. 11 - Coa inscrición na proba enténdense aceptadas todas as normas e demais consideracións reflectidas neste regulamento.

Ferrol, a 16 de novembro de 2017

O concelleiro delegado da Área de Cultura e Educación,
Universidade, Deportes, Turismo e Festas

Jesús Basterrechea López

Concellería de deportes. Concello de Ferrol
XVIII Circuito Ferrolán de Campo a Través
Paxina 3 de 4

